

**UPUTSTVO ZA PRIJEMNI ISPIT KANDIDATIMA ZA STUDIJ NA ODSJEKU  
ZDRAVSTVENIH STUDIJA**

Prijemni ispit na Odsjek zdravstvenih studija radi se dva sata efektivno, od trenutka kad komisija označi početak izrade testa. Prijemni ispit se sastoji od testa koji sadrži 20 pitanja i zadataka: 10 pitanja iz Biologije i 10 pitanja ili zadataka iz Hemije. Pitanja imaju jedan tačan odgovor. Svako tačno odgovoreno pitanje ili riješen zadatak nosi 2 boda. Netačan, djelimično tačan odgovor ili neodgovoreno pitanje nosi 0 bodova.

Test na prijemnom ispitu **OBAVEZNO** se radi **NEBRISIVOM HEMIJSKOM OLOVKOM PLAVE BOJE**.

Nije dozvoljeno unošenje nikakvih elektronskih pomagala (kalkulatora, mobitela), kao ni pisanih materijala. Kandidat koji se ovog ne bude pridržavao će biti udaljen sa prijemnog ispita.

Upozoravaju se kandidati da test popunjavaju vrlo pažljivo i tek kada su potpuno sigurni, jer naknadne ispravke nisu dozvoljene. Ukoliko se odgovor na pitanje daje po sistemu zaokruživanja, svaki drugi oblik označavanja (prectavanje, podvlačenje, dopisivanje, brisanje i sl.) smatraće se netačnim odgovorom.

Ukoliko se odgovor daje dopisivanjem teksta ili izradom zadatka, rad treba da bude pregledan i čitljiv.

Zabranjeno je potpisivanje ili bilo kakvo obilježavanje testa, velike ili male koverta. Kandidat koji to učini biti će diskvalifikovan.

Nije dozvoljen razgovor između kandidata. Nakon početka ispita nije dozvoljeno napuštanje sale.

Dežurni ne mogu davati nikakve informacije o pitanjima ili zadacima. Pitanja vezana za druge dileme ili nejasnoće na prijemnom ispitu postavljaju se javno dežurnom, koji takođe javno odgovara.

Kada kandidat smatra da je završio sa ispitom, podizanjem ruke poziva dežurnog koji preuzima zalijepljenu veliku kovertu koja sadrži test i malu kovertu sa identifikacionim obrascem.

Kandidati koji su završili sa ispitom ne mogu pojedinačno napuštati salu. Izlazak iz sale je moguć nakon jednog, odnosno nakon dva sata poslije početka ispita. Dežurni organizira izlazak kandidata iz sale na način da što manje ometaju kandidate koji rade test.

**PREDSJEDNIK KOMISIJE ZA REALIZACIJU  
KONKURSA ZA PRIJEM STUDENATA**

Prof. dr. sc. med. Elmir Čičkušić